

# РУСКИ НОВИНИ

ЗА РУСИНОХ У КРАЛЪОВИНИ СХС

Виходза раз у тижню.

Цена на цали рок 100 Динари.

На 1/2 рока 50 Динари.

За Америку 4 долари на рок

Рукописи и други писма треба  
посилац на адресу:

„РУСКИ НОВИНИ“ НОВИ САД  
Бојовићева улица број 2.

Претплату на РУСКЕ-НАРОДНЕ  
ПРОСВИТНЕ ДРУЖТВО, РУСКИ  
КРСТУР (Бачка).

Рок IV.

Нови Сад, штварток 1. децембар 1927.

Ч. 47 (154)

## Наш школски вопрос

II.

Припознац мушине, же пре нашо просвитне (школске) худобство не можеме виниц нашу державу. Наша держава припознава и допуца розвивац ше у својей просвити каждому народо-ви, та и неславяном, цо их воламе „маніни“.

Министер Просвити видал наредбу од 31. X. того року под числом 74770., по хторей не шлебно дзеци национальних манінох примушовац до сербских школах, але ше уписоване дзецох до школи ма окоичовац по мацериним язичу дзецох и жаданю родичох. То вредзи за Немцох, Мадярох и Румунох. а нас Русиных ані не спомина. Прецо? Прето, бо Русини у держави СХС не „маніни“, але равноправни своім старшим братом СХС. То нам темельни законнашей держави загарантовал.

Прето, кед маме хибі и нешори у наших школах, тому не держава виновата, але лем ми сами. Бо нам не потребно модлиц народни школи з нашим руским язичом, але то длужносц каждого Русина, да жада, пита, да його дзецко ма у школи својого руского учителя и да ше на руским язичу у школи воспитуе.

Правда, же то не може еден зробиц, але можу мац бизовни успехи шицки члени едного общества, — кед ше зложа.

Могло би ше о тим вецей старац и нашо РНПД-о, котре вше заступа праведни интереси нашого народу. Воно би то најлегчейше могло поробиц. Але теди з каждого руского валалу мушели буц голем добра векшина Русиных и членами РНПД-а, — бо як же иньшак може и нашо РНПД-о твердиц, же воно заступа, бешедуе и роби у мено шицких южных Русиных?!

Браца Русини! Задумайме ше кус над тим, о тим на наших жимушних сходах бешедуйме. Думайме себе прецо не маме довольне число руских учительох, гоч их вельо маме у цудних крайох и валалох, дзе их любя и почитую. Чи ми своім учителюм достойну чещц и припознање даваме? Чи не бачиме, же кед им голем мале припознање не указуе, же их теди од себе одбиваме, а вони гоч их то болі, иду за своім хлебом гу пудзим, котри их роботу баржей знаю ценіц и припознац?!

Нам у Сриме и Бачки потребно коло 60 учительох, а як чуем школоу ше тераз лем двома Русини за учительох.

А цо видзе з того? На концу, гоч нам держава и да нар. школи, — не будзе хто у нїх учиц, бо учительох своїх лебо мац не будзем, лебо буду волиц служиц индзей.

Цо видзе з такей нашеї судьби и хто тому будзе виновати? Судце сами, але по правдзе! Б.

од својого програму. Але ше зявела чешкосц, цо будзе зос партию С. Радича, понеже вона узко звязана зос Прибичевичем, бо еден другому обеца, же вше буду ведно и неподзелено правиц шицки комбинациї. Политически круги не придаваю томе зближованю ніякей важносци.

### Моровки у Южней Сербїи

У поединих вароших южней Сербїи, особено у Скоплю явели ше медзи дзеци моровки, пре котри ест вецей и смертельных случайох.

### Вельки молги

На наших водах Сави и Дунию наступели вельки молги особено в ноцех. Прето и ладї не можу превозовац. Една ладя и настрадала на Сави при Забрежю, бо у цми вдерела при краю. Од путничох ніхто не пострадал.

### Будоване железничих зданиох

Нешкайши наш министер саобрачаю Милосављевич дзвигол пожичку 70 милиони дин. зос Хипотекарней банки да збудуе потребни здания својей министерїи, а најбаржей, да ше збудую кварталї за званичничких, и службениких. Бо часто же догодуе, же вони муша бивац у вагонох.

### Юувилей вароши Суботици

В недзелю на торжествени способ прославена 400 рочница од кед основана варош Суботица. Йоан Ненад 1526 року позберал войску од 15.000 и вигнал Туркох та ше преглашел царом. Але його царство тирвали лем 11 мешаца бо малярски краль Заполя послал на нього войску и побил го: Ненадова главна идея була тота же сцел основац Славянску державу зос нешкайшей Войводини.

### Путоване Београд—Загребна крилатици

По контраку, котри зробела держава зос привагним дружтвом за воздушни саобрачаї, започне ше од 15 фебруара зос превоженьом путничох и пошти медзи Београдом и Загребом. Дружтво достане тих дньох штири крилатици, котри

буду крашне ушорени а леиц буду каждого дня. Драга тирва 1 и 1/2 годзини, Коштац лем будзе 15% вецей як швидки железници.

### Одсудзени бо правели пенеж

Новосадски окружни суд одсудзел шейсц особи, котри прешлого року правели криви стотинарки, да плаца вельки карри, а крем того каждый достал по 3—6 роки цемници.

### Пре кнїжку себе однял живот

Едуард Милер школяр гарговскеї школи у Београду так полюбел кнїжку, же каждую котру видзел сцел купиц. Понеже немал пенежи украд од приятеля 100 динари а тед го так совист пекла, же спаднул до роспуки и себе вжал живот.

### Влапени крадоше

Полиция влапела трох вельких крадоших, котри крадли по державних званиох. Так вони оплячкали среске началство у Сиску, Пакрацу, Бугойну и т. д.

### Нови вишні

Пре красни и цепли того-рочни вшеньски днї една вишня у загради Николи Зако зос Вершецу поновно розквитла, принвсла плод, котри цалком узрети. Властитель у присуствїю велього швета обрал тих дньох вишню.

### Умар у вагону

Шеф турскеї полициї Др Рамах путовал зос Цариграду до Бейчу, дзе жиє його фамилия. Понеже бул чешко хори, баш кед воз уходзел до Београдскеї станици Рамах умар.

### Длуство наших земледїлцох

Министерия гарговини позберала докази о тим, кельо виношуе длуство наших земледїлцох. По тих доказах видно, же земледїлске длуство идзе понад 2 и пол миллиарди динари, а то страховито велька сума. У поединих крайох земледїлци плацаю 80 проценти камату. Може ше повесц, же просечни камат идзе од 30—40%. Причина теї презадлуженосци ест у тим, же цени зе-

## У нашом отечеству

### Политическе положеніе

Засиданія парламенту оддалени, и правдоподобно, же ше не буду отримовац пред Кра-

чуном. Медзитим ше повела дума, же би требало совдиниц ведно демократску странку Давидовича и Прибичевича. И то би було на таки способ, же при тим ніхто не муши одступиц

м'єдлїским произведенїєм за нїжки проци шицкоме другоме цо параст муши купиц. Так земледїлец своєю муши туньо

предац а шицки драго плациц Крем того забиваю го вельки порциї, незгоди и нон муши спаднуц вше глїбше до друства.

## Руски Календар

на рок 1928.

Припознац мушим, же ме необичне чувство обишло, кед сом започал тоти шорики писац.

Богу слава, уж и осми наш Руски Календар доконьчени и додруковани. О пару днї розобрати будзе од любительох рускей просвити, однімац ше буду старши и младши, хто з нього перши дацо начита Жимски вечари длуги, а вредни руски земледїлци одпочиваю, да ше ошвижени з яри з нова трудза и робя за хлеб насуцни. Але и тот час не преїдзе дармо нашому земледїлцу. Док му цело одпочива, вон карма душу свою зос хасновитим читаньом добрих кнїжкох, мєдзи котрима му перше место завжал наш Руски Календар.

Єдни гласно читаю, други слухаю, а кажди у тей кнїжки найдзе о чим любии наймилше читац, бешедовац и робити...

И так то наш Р. Календар уж осми раз заходзи до каждого руского обисца, путує з рук до рук, а кажди го сердечно вита и прима, бо вон його наймилши приятель и советник, з котрим ше не може надосц набешедовац.

Кед себе то подумам, на сам през Богови дзекуєм,

котри нам благословел роботу и помог у чежкосцох витримац, а вец ше цешим у моїм руском народу, же так полюбел своєю властне слово, своєю просвиту.

До тераз видани нашо Р. Календари у 16.000 примирох. Прешлого року розпредани бул у пару днїох, цо є найкрасши доказ його вредносци за наш народ. У нїм кажди найдзе своєю читанє и то не хоч яке, але виберанє, нам найхасновитше.

Там красни науки зос вирского живота, па зос живота руского народу (история), описи жеми особено руских крайох. Богато у нїм поучни приповедки, єдна красша од другей, а найвещей зос живота нашого народу. Вельку вредносц маю статї о народним здравлю, о культурним животу нашого народу и о газдовству (того року о хмелю). Надалей интересантни извицєня о організації наших руских студентох, будущих водьох нашей просвити. — Нашо шпиваче — сгихотворци и стари и нови найкрасше своєю думи и того року у стишкох подали. — Розуми ше, же не хибя весели и здрави шмихи па народни мудри виречєня, присловки а и образки, котрих того року єст вецей як 60.

Єдно од найкрасших чєтнийох Р. Календара є часц писана малим школяром нашим. Бачел сом уж скорей як мали школяре любя руску кнїжку а особено Р. Календар. И вони го читали, але до тераз не могли найсц своєю читанє. Того року зме и тей потреби видоволєли. З помоцу вредних наших п. п. учительох и учителькох подаваме нашим малим школяром красни стишки, поуки, приповедки па и шмихи, най и вони маю ужиток з Рускей Просвити, а верим, же то радо пречитаю и старши...

Цали Р. Календар ма того року 252 страни. Таки богати ище нїгда не бул, а анї не познам иньши календари, котри би наш у тим надвишєли.

РНПД-о з тогорочним виданьом Р. Календара нансцє указало, же шицко цо ма

то народу своєюму дава. Бо док иньши видавци календарох вельки хасен материальни беру за малу вредносц читаня, — наш Р. Календар и того року остава истей цени як и лоньски (15 Дин.)

Русини! Тераз на вас шор, да и ви шицки з ділом укажецє, же знацє припознац и полюбиц своєю руску просвиту. Уписуйцє ше за членох РНПД-а, а кнїжки своєю не лєм купуйцє, але и читайцє, та вам вони буду вше красши и милши.

В лонї велї остали през своєюго Календара, бо го фришко розобрали. Тераз кус вецей друковано, але годно ше и тераз стац, же мало будзе, та ше не уйдзе каждому. Най, даклем кажди понагля купиц го, читац а вец и повєсц лебо написац редактрови своєю примичанє.

Редактор Р. Календара.

## ШИРОМ ШВЕТА

Смерт румунского министра

Румуньски председатель министрох Йона Братяну тих днїох умар. За Румуньох то значи вельку утрату, бо Братяну бул вельки политик и знал свою жєм вивєсц зос найчєжших свитових обставинох. Його заслуга, же Румуния виступєла процив Немцох у свитовой войни, и же одстраньєти принц Карол, котри пре свой приватни живот недостойни да будзе краль Румуний. По його смерти шицок народ страхує да не придзе до гражданскей войни, бо принц Карол будзе сцєц вшєлийак назад прийсц до Румуний.

Лада зос златом

Єден роботник, котри робєл на пристанниту вароши Анкони вицагнул з води вельку желєзну ладу, ардзаву и оброснуту зос морску траву. Кед ладу отворєли а то нука стари златни пєнеж и велї ишшаки дорогоцености.

У Русий вре

Очєкує ше каждой минити, же у Русий може прийсц до новей страховитєй гражданскей войни. Бувши вонни комєсар Троцки зос своїма приятєлями видал єдно явно проглашенє, у котрим нападає терашню большевицку владу. Вон поволує шицких фабрицких роботникох

### ФЕЛЬТОН

Марийова широтка

Уж ше змеркло а по шорох лампи ище не були запалєни. На празней єдней улїчки ишол якиш человек. Мал длугу жимушну бунду на себе и курєл груби цигар. Пред церкву престал му єден мали хлапец драгу и понукнул фришку новинку. Хлапец бул у мизерней ценкей шматки. Оскубана волняна шапка його аж по уха була сцагнута. Человек лєм замурчал под носом и далєй понаглял. Пред церкву лєм кус дзвигнул калап, а хлапец лєм заш му понукнул новинку. На тото понуканє станул человек штурєл руку докишенки и вибрал пєнеж, посановал хлапца и

дал му пєйц корунаш стриберни до руки та гварєл: На ту маш, же би и ти мал щєшливи Святи Вечар. Мали хлапец аж прєстрашєни одбєг з радосцу дому. На самим концу його мац бивала. Хлапец през шицкого слова придал мацєри стриберни пєйц корунаш. Його худобна мац накеди збачєла пєйц корунаш, груби слизи випуцєла зочох своих. Не знац чи пре оштри витор, чи пре вельку радосц, же пєйц корунаш увидзєла. Влапєла хлапца за руку и так знїм понагляла, же лєдво за ню старчиц могол. Пред єдним дутяном станула и зашла доньго, а хлапцови дала сексер и гварєла му їдз куп дацо себе и братом. Кед биш сцєл, та могол биш ище дас пару новинки прєдац пред церкву.

Хлапец зачас ище ше припатрал през замарзнути облак, а вєцка ше рушел и пошол на своєю штацию пред церкву Богородици. На драже док ишол припатрал ше на дутяново облак, коло хторих прєходзєл и роздумовал себе, цо да купи за тот достати сексер. Найбаржєй єдну трубу сцєл мац. Бидни хлапец лєдво кус памєтал оца своєюго! Так их вщєс охабєл покойни. Осифков оцєц. Робєл у фабрици барсчєжко, же би жєна и дзєци могли мац каждого дня фалаток хлеба, робєл барсчєшко у надїї, же и його дзєци дараз навраца йому тото, док подрошню. Але не дочєкал ше. Худобна мац зос райбаньом зарабєла и широтки ховала. Найсмутнєйше єй припадло кед други людзє даякє вель-

ке швето швєцєли. Бо кед видзєла задовольносц и радосц людских очох и щєшливи людски дзєци, хтори су нешироты, тєди ше у єй шерцу стораз повєкшал жаль. А на тот жаль не було иньшакого поцєшєня лєм горки печачи слизи прєлїгац, да дзєци не видза. Малки Осифко пошол заш пред церкву Богородици кричал и прєдавал новинки подскакуюци себе, же би незамарз. А як уж зуновал, шєднул пред церкву на камень и припатрал ше на шнїгово перли як цихо падали. Задримал и уснул. А у сну збачєл, же не сам шєдзи на каменю, бо и єдна худобна жєна идзє гу ньому а тримала єдно малє дзєцко на рукох. Обращєла гу ньому, як кед би од нього дацо питала. Осифко ше у-

да ше цо баржей організираю и да до своїх рукох вежно у праву шицких фабрикаох.

## Безработност у Австралиї

Английски новини являю, же у Австралиї завладала велька безработност. Людзе не могу найц роботу и так зос своїма фамилиями гладую. У варошу Аделаїда вецей тисячи роботнікох немаю хлеба. На местох пришло и до буни.

## Пре порції предавамаеток

Английски лорд Дерби, еден од найбогатших людзох у Англії, предал тих дньох 22.000 своїх хижох и палатох за суму од 2 миліони английски фунти. То найвекша предаванка цо ше до тераз у маетку случала. Лорд Дерби предал тот маеток пре причину, бо у Англії барз вельки порції наруцени на добра, котри ше достаю по наслідствию, та думал, же лепше преїдзе, кед шицко претвори на пенєж.

## Найдзени миліони на пойдзе

У Ньюорку винашла полиція по упутствиох єдного толвая вельке множество дорогоциних стварох поскриваних на пойдзе єдней старей хижі. Медзи тима стварами було и пенєжи у вредности од 8 миліони динари. Шицко то було забито у якєйшик старей лади.

## Велька жима у Немецкей

У цалей сиверней и стредней Немецкей настала велька жима. Пре вельки шніг железници не иду шорово. У Прусиї указує термометер на 17 гради под нулу. За чудо у южней Немецкей незвичайно приємна хвиля и целло. Термометер указує 11 гради понад нулу.

плашел и сцел сцекац. Худобна жена озвала ше гу ньому: Осифку, не идз! Була то Богородица така иста, яку сто раз видзел на образі у церкви. Осифку, гєпо зомну! — Гуторела му Богородица и теди дзєври церковни отворели ше пред нїма. а нука вельо швички горело. На двох бокох стали Ангели. И кед вона зос малим Исусом преходзела и Осифка за руку ведла, Ангели ше поклонили так як священик звикнул пред престолом. А Осифко так радосно ишол збоку Богородици и пришли до самого олтара. Осифко ше зачудовал, же на тим месце дзе бул дараз образ Богородици тераз єдна красна капюра. Пред нїма ше вона отворела и указала ше длуга шнігова драга и зос бокох шнігово

## Готовене до войны

Познати английски державник Лойд Джордж тримал тих дньох бєшеду, у котрей гварел як ше Европа готує до войны. Вон дума, же би ше нешка могло ставиц 15 миліони людзох под оружіє, а крем того повекшало ше барз число крилатицох, отровних газох и бацилох. На тот способ би слїдуєща война була ище страшнейша як цо була прешла.

## Винайдзени гроби римских царох

Єдна комисія котрей задаток да преучує подземни Рим винашла крипти римских царох зос фамелиї Августох. Натписи добро зачувани.

## Навращел ше лутерански пастор

Списатель и лутерански пастор (парох) у америцким варошу Оклахані прешол тих дньох зос свою жену и дзєцми на католическу виру. Вон то зробел прето, як сам гвари бо преучовал вельо католическу виру и церкву, та го знанє привело на праву драгу.

## Крава звалєла крилатицу

Чудно але правда. Жозе Карлен Крилатичар почал ше дзвигач на своей крилатици, але при тим крилатица налецела на єдну краву, котра случайно пришла там. Пропелер ше зламал а крилатица спадла. Карлен остал на живоце.

## Ковач командант войски

У августу мешацу поставени за команданта войски у Ирскей Сеан Мекеон. До року 1920 вон ище бул ковач у валале Лонгдорф. Вец бул прихильник де Валери, именовани майором и понеже бул добри организатор при войску тераз вименованц за шефа главного штабу.

гори а на самим верху червена красна ясносц и єден красни желени крачун. Але яки крачун! На його конаркох правдиви гвизди ше лиготали. И Богородица озвала ше гу Осифкови: Радуй ше, Осифку, тот красна ясносц єст широтинєц небесний. Кажда худобна широтка ма ту место. А тот красни крачун то твой. Осифко зос радосцу збачел єдну злату трубку на тим крачуну. Таку трубку жадна земна широтка нєма. Хоч цо бузеш жадац лєм задуї до тей трубки, Ангели ци за час принєшу. Осифко нацагнул руку на трубку, а у ухох му ище бринели слова Пречистей Дїви и вон уж почал роздумовац, же цоби ище жадал, кед трубку уж ма. Же би и мойо мали браца не мар-

През жиму читайце:

## РУСКИ НАРОДНИ ПИСНІ!

Мож достац у каждим парохіалним званию за цену од 10 Дин.

## „Зос Союзу Руских Школярох“

Давам на знанє шицким членом С. Р. Ш., же би ше так, як на саму схадзку, тримали и тераз, кед их поволуєм, най ше кажди потрудзи, та цоскорей уплати свою членарину. Познате нам шицким барз добре, же початок найчєжши. — Ми початок уж маме. Положели зме уж и фундамент шицкому тому, цо сєме збудовац на тим фундаменту. Та єст уж и даскельо шори цали. Уж як да ше и мури дзвигачу. А да ше их доверши и над нїх кров дзвигне, треба не лєм роботнікох, але и материял, од котрого ше збудує шицко до конца: Треба давац граїцар гу граїцару. Кус по кус, та ше назбера, кельо треба и цо треба!

Зато модлїм шицких младих членох най кажди верши барем у тим свою членску длужносц. Швечи ше, да кажди млади Русин, котри уж самостойни, котри звершел уж цалком свойо науки, будзе членом Р. Н. П. Д-а! То му заповеда и саме то, же є Русин. А кельо баржей муши вец патриц, да ше упише за члена I. лебо II. класи Р. Н. П. Д-а тот, котри ше рахує гу сениорату С. Р. Ш-а!

Модлїм тиж и акт. членох най ше и вони потрудза цо-

скорей уплатиц свою членарину, бо за тераз бим уж мушел похвалїц юнийорох, же ше за тоту ствар баржей постарали, як шицки други, гоч и вони зато не шицки уплатили! На младих швет остава!

Руски млади и наймладши интеллигенти! Будзме вшадзи Русини; лєм кед ше робі о пенєжох, кед треба пенєжи за дацо дац, же би ше помогло другому Руснакови, теди не будзме твардого руского шєрца! Не будзме голєм теди скупи и єднїше чуванц, але подпомагаїме руску ствар — свою ствар. Хто будзе за нас дзбац, кед ми сами себе занєдзбаме!?

Укажме, же сєме жиц, же жиєме, а вец аж зме годни другим живог дац! Укажме сами, же зме тварди, корєнїсти Русини-Руснаци, най ше коло нас можу зберац други Руснаци, котри не учени на тельо, же би могли сами за себе жиц и як Русини ше чувствувац!

Догваряїце ше медзи собу, дзе сєє двоє лебо трєме ведно на наукох лебо у иньшакей роботі, о нашей роботі! Започали зме, та би не було шумїє, да престанєме! Подумайце сєбе, яка би то ганьба була!

зли так як я. Любел бим, же би вони вецей нїгда не були гладни, же би не були вецей отаргани й голи. Любел бим, же би ше знїма не оруцовали людзе. Задуї до тей трубки, сину, одповєдла му Пречистая дїви, и жалосно попатрєла на Осифка. Може буц од гласа твоей трубки пребудза ше незадзбани людзе и збудую таки доми за широти, дзе и твойо дробни браца зогрєю ше, же и вони буду облєчени до целпих шматох, же ше зос нїх не будзе шмеяц злє шерцо.

Хлапец задул до златей трубки: Тра-ра-ра. Трубка таки прекрасни глас мала, же радосц було слухац. Богородица ше схилєла

и побочкала го до лїца Осифко осетел, же од нього од того бочканя навше минула брига и нужда широтиньска.

\* \* \*

Кед на пол ноци пришол звонар звонїц обачел пред церкву на гарадичох мертвого хлапца. Рушел ше до найблїжнього полицая и гуторел му: Пред нашу церкву лежи умарти хлапец, так думам, же замарз. Думам, жо го познам, бо на тим месце вше повинку предавал. Умар? опитал ше полицай. Умар — потвєрдзел поновно звонар. О мали час пришли и однесли умартого.

Керестурски житель.

ЧИТАЈЦЕ „РУСКИ НОВИНИ“!

Јаке то вельке одушевлєне було на схадзку! Та чи да лєм так кратко тирвало?! Не! и не! Воно муши так длуго тирвац, док лєм давєного Русина ест.

Братски поздрав шицким членом С. Р. Ш-а з далекей дїдовщини!

Львов 9. X. 1927

Максим Буила  
председатель С. Р. Ш.

## ОСОБНИ ВИСТИ

Јвляю нам, же у прешлих тижньох на всеучилищу у Загребу з похвальним успехом зложели строги испити за докторат двома нашо руски студенти и то п. Осиф Костельник (Петровци) зос адвокатских предметох, и п. Федор Лабош (Коцур) зос конзуларно-дипломатичких предметох — Нашим младим и трудолюбивим ученьком и руским писателюм сердечно виньчуєме и жичиме на многая!

Дня 21. нов. 1927. р. заручел ше п. Дюра Дудаш учитель зос Коцура зос ч. п. Елену Ердєлі зос Беркасова. Винчуєме!

## ВШЕЛІЯЧИНА

### КЕЛЬО ЛЮДЗОХ УМРЕ ОД ГАДОХ

У послїдних 50 рокох рахуєше, же умарли од укушеня гадох понад 1 милион особи. У самей Индиї рочно умре 20.000 людзох. У Америки 3—5000, у Африки и Австралиї умре и до 5000 особи рочне.

### АПАРАТИ НА ВАРЕНЄ

У Англиї винашли електрични апарати, котри добре послужа у кухньох. На тим апарату можно упечиц месо за 30 секунди, вайца за 2 секунди, кромицє за 60 секунди.

### НАТПИСИ НА ТЕМЕТОВОХ

У Пльзню у Ческей стої на дзєрох у теметове таки натпис:

„До ви нешка, то ми уж були;  
А цо ми тегаз, то будзєце и ви.“

У Прибраму читаєме таки натпис на теметове:

„Ту зме, Господи, и чекаєме на Твој росказ.“

У Седманох стої написане: Пан Бог видзи, време нам сцека  
Шмерц ше блїжи, вичносц нас чека.“ —

У табору читаєме таки слова: „Бдїйте, бо не знаєце ані дня, ані годзини, кед Вас Бог завола.“ —

Не почкодзело би и у нас подобни слова написац на дзєрї теметова. Вельораз тамаль крачаєме, а барз мало на то думаєме, же и ми скоро там придемє. —

„Недавно сом слухал, як ше двома розгвараю: еден стари и

еден млади чловец. Пришла бешєда и на шмерц. Млади, да укаже, же вон зна франтовац, и не дума ище исц на теметох, запита старого: Поведзєце ви мне, дїду, котра драга водзи

до теметова, бо я то не знам? — Дїдо мирно одповед: „Сину мой, намегай, же це кажда драшка блїжеј водзи гу теметову“. Млади ше заганьбел и задумал.

## Нашим предплатніком!

Модліме шицких наших предплатнікох, котри ище не намирили својо длужство за нашо новини, най то дораз зроби. Не забудзєме, же ше нашо новини отримую едино зос предплату свидомих и просвищених Русинох! Пенєж посилац на Руске Просвитне Дружтво Руски-Крстур (Бачка).  
Управа Р. Н.

## Швєточни отпочивок

Недз. 25 по Сош.  
ЛУК. ГЛ. 10. ЗАЧ. 53.

Во время оно законикъ нѣкій приступи ко Исусу искушая его, и глаголя: Учителю, что сотворивъ живогъ вѣчный наслѣдую; Онъ же рече къ нему: вѣ законъ что писано естъ; како чтеши; Онъ же отвѣщав рече: возлюбихи Господа Бога твоего от всего сердца твоего, и от всея души твоея, и всею крѣпостию твоею и всѣмъ помышленіемъ твоимъ: и ближняго твоего, яко самъ себе. Рече же ему: право отвѣщаль еси: сіе сотвори, и живъ будеши. Онъ же хотя оправдитися самъ, рече ко Исусу: и кто естъ ближній мой; Отвѣщавъ же Исусъ рече: чловѣкъ нѣкій схождаше от Іерусалима во Іерихонъ, и вѣ разбойники впаде иже, совлекше его, и язвы возложше отидоша, оставше еде жива суца. По случаю же священникъ нѣкій, схождаше путемъ тѣмъ и видѣвъ его, мимоиде. Такожде же и Левитъ, бывъ на томъ мѣстѣ, пришедъ и видѣвъ мимоиде. Самарянинъ же нѣкто грядый, прїиде надъ него и видѣвъ его, милосердова. И приступль обвяза струпы его, возливая масло и вїно; всадивъ же его на свой скотъ, приведе его вѣ гостиницу и прилѣжа ему. И на утрїе исходя вземъ два сребреника да гостиннику и рече ему: прилежи ему: и еже аще прїиждавеши, азъ егда возвращуся, воздамъ ти. Кто убо отъ тѣхъ трѣхъ ближній мниттися быти впадшему вѣ разбойники; Онъ же рече: сотворивый милость съ нимъ, рече же

ему Исусъ: иди, и ты твори такожде.

Каждой души, цо ше родзела на швет заповєда Исус, да приходзи гу ньому, да патри на нь го, цо вон твори, па вєцка и вона такожде твори. „Иди и ти твори такожде! Гутори Исус Учителю, цо ше радзел, цо ма твориц, да себе заслужи живот вични. Шицки до єдного мамє приходзиц гу Исусу и питац го за совет, як мамє жиц, да себе заслужимє живот вични.

Да ше людзє цо баржеј науча познац Исуса, да го цо вєцей любля, да приходза гу ньому дзєнь и ноц радзиц ше у своїх нуждох и бригох, утемєлєла Мати Церква вельки праздник Царя Христа на остатню недзєлю и мешацу октобру.

Тот вельки и торжєствєни праздник ма людзох опоминац од тєраз. да свој живот ушоря по науки Исуса Христа, без котрого нет мира у души, мира у швєце. Христос треба да управля з нашим розумом, котри треба да призна шицки по Христу обявени тайни вири. Христос треба да влада у волї

нашей, когра ма слушац заповиди Исусово. Христос треба да будзє пан и цєла нашого, и шицким силом души нашей. Лєм тєди зме годни мац мир покой, и щєсє души нашей.

Тот торжєствєни праздник ма опоминац и шицки держави того швєта, да знаю, же благосостояниє держави не годни посцигнуц без Христа, својого верховного пана Як су длужни Христа царя слушац повєдини людзє, так длужни держави, бо вони су нїч инше, як зложєно число вєлїх людзох. Хоч кельо ше зложє, вше су длужни слушац својого Царя Христа, бо су його откупени дзєци. Праздник Царя Христа ма напоминац шицких, же Исус цар цалого швєта и того, цо не зна за мєно його, То су поганє и кривовирци. Нет другого мєна даного людзом под небом у котрим би ше могли спашиц, як у мєну Христовим. Прєто зме длужни шириц його царство и мєдзи поганох, да го цо скорєй спознаю, и да постаню його людзє, як цо и ми лєм з ласку божу постали того, цо зме. Да нам ше Исус вєзмилвал и ми би нешка були поганє и кланяли ше идолом и мучели ше у цємноти, врачарству, мержнї, убийству, худобству, лєвїсци, и на концу у канибалству. У чловєцким роду будзє лєм тєди мира и щєсца, кед знак Христовей краљовскей чєсци завлада цєлим швєгом: прєславни Криж Господнї, пред котрим треба да ше поклонї кажде колєно небєсних и зємних. Кед прєйдзє през людски шерца живогтворяща дума, же Христ наш краљ кед тотє дума прєйдзє през шерцо друштва чловєцєского, кед превлада у шицких заведєнийох друштєвних, як у державних, так у приватних, — тєди аж настанє — слатка гармония щєсца у фамелийох, держави и друштву, и цєлом роду чловєцєскому, котрє станє остане дотлє, док по нас не придзє заш наш небєски цар, и подзвигнє нас на небєсни Єрусалим, дзє ше настави вичнє блажєнство шицких душох, цо були вирни на тим швєце својому предоброму Царю, Исусу Христу. Мих Мудри.

**Вишол**

# Руски Календар

на рок 1928.

и того тижня вшадзи будзє розпослати.

Мож го достац у парохияльних званийох, або наручиц од РНПД-а у Р. КЕРЕСТУРЕ.

Не меньши є од дотєрашнїх; красши є и богатши од тєрашнїх, бо є полни зос краснима чтєнияма и образками.

**Цєна му 15 Динари.**

Кажди най ше понагля купиц го, бо друковано лєм малє число.